



პროექტი

## „მედია გამჭვირვალე და სამართლიანი არჩევნებისათვის“

18-20 სექტემბერს სასჯელალსრულების დაწესებულებებში არსებული ადამიანის უფლებების დარღვევის ამსახველი მასალების მედია გაშუქების მონიტორინგის შედეგები



OPEN SOCIETY GEORGIA FOUNDATION  
ფონდი ღია საზოგადოება საქართველო

შედგენილია „ჟურნალისტური ეთიკის ქარტიის“ და „მემო 98“-ის მიერ  
ფონდ „ღია საზოგადოება - საქართველოს“ მხარდაჭერით

ავტორის/ავტორების მიერ საინფორმაციო მასალაში გამოთქმული მოსაზრება შესაძლოა არ  
გამოხატავდეს ფონდ „ღია საზოგადოება-საქართველოს“ პოზიციას. შესაბამისად, ფონდი არ არის  
პასუხისმგებელი მასალის შინაარსზე.

## 1. 2012 წლის 18 სექტემბრის გადაცემათა ქრონოლოგია

ტელეკომპანია „რუსთავი 2“-მა 15:00 საათიან საინფორმაციო გამოშვებაში „კურიერი“ გაავრცელა განცხადება და შინაგან საქმეთა სამინისტროს გავრცელებული კადრები;

ტელეკომპანია „მაესტრო“, გადაცემა „სუბიექტური აზრი“, 19:00 საათი, გავრცელდა სხვა მასალა, რომელშიც ნაჩვენებია იყო პატიმართა ჯგუფური ცემის კადრები.

ტელეკომპანია „მეცხრე არხი“, გადაცემა „ახალი 9“, 21:00 საათი, გავრცელდა პატიმრების გაუპატიურების ამსახველი კადრები.

ტელეკომპანია „რუსთავი 2“-მა 21:00 საათიან საინფორმაციო გამოშვებაში „კურიერი“ გაიმეორა შინაგან საქმეთა სამინისტროს გავრცელებული კადრები, ამას დაემატა ტელეკომპანია „მაესტროს“ გავრცელებული მასალა და ასევე, ინტერვიუ ხათუნა კალმახელიძესთან;

ტელეკომპანია „მაესტრო“, გადაცემა „პოლიტმეტრი“ - 22:50 წუთზე გავრცელდა პატიმრის ცემისა და თანამშრომლობაზე დაყოლიების ამსახველი კადრები, პატიმრის მაიდენტიფიცირებელი ფორმით.

ტელეკომპანია „კავკასია“, გადაცემა „ბარიერი“ - 23:15 წუთზე განმეორდა გადაცემა „პოლიტმეტრში“ გვერცელებული პატიმრის ცემისა და თანამშრომლობაზე დაყოლიების ამსახველი კადრები, პატიმრის მაიდენტიფიცირებელი ფორმით.

საზოგადოებრივი მაუწყებლის „1 არხი“, არ გაუშუქებია აღნიშნული ინფორმაცია.

## 2. გამოკვეთილი ტენდენციები

### 2.1. საზოგადოებრივი მაუწყებლის 1-ლი არხი საინფორმაციო გამოშვებები

18 სექტემბერს არხს არ გაუშუქებია მომხდარი ფაქტები, რაც არხის მნიშვნელოვან ხარვეზად უნდა შეფასდეს. თუმცა, 19 და 20 სექტემბერს დღის მთავარ საინფორმაციო გამოშვებაში, 20:00 საათიან „მოამბეში“ სასჯელალსრულებით დაწესებულებებში ადამიანის უფლებების დარღვევის ფაქტები იყო დღის მთავარი თემა. მიუხედავად იმისა, რომ მას შემდეგ რაც არხმა დაიწყო მიმდინარე მოვლენების გაშუქება, სიუჟეტები იყო დაბალანსებული, არხის ყურადღების მიღმა დარჩა გარკვეული მნიშვნელოვანი მოვლენები. მაგალითად, 19 სექტემბრის გამოშვებაში არ მოხვდა საპატრიარქოში მინისტრ დავით ახალაიასა და სოსო თოფურაძის სტუმრობის შესახებ ინფორმაცია, ვიზიტის მიზნის თაობაზე. ასევე, 20 სექტემბერს 21 საათსა და 57 წუთზე, არხმა დაუშვა საინფორმაციო გამოშვება „მოამბის“ საგანგებო ჩართვის პრეცედენტი, რომელშიც გავრცელდა საქართველოს შინაგან საქმეთა მინისტრის მოვალეობის შემსრულებლის, ეკა ზღულაძის, განცხადება ახლადდანიშნული შსს მინისტრის რანგში, თუმცა, დღის საინფორმაციო გამოშვებებში ვერ მოხვდა სასჯელალსრულებით დაწესებულებაში არსებული მდგომარეობის ამსახველი ახალი ვიდეო მასალა (შეზღუდულქმედუნარიანი პირების მიმართ დამამცირებელი და არაადამიანური მოპოცრობა).

გარდა ამისა, არხმა არ გააშუქა მისივე ჟურნალისტების ეკა კვესიტაძისა და ვახტანგ სანაიას მიერ სხვა ტელეკომპანიების მეშვეობით გავრცელებული ინფორმაცია, რომელშიც ისინი საუბრობდნენ არხის მიკერძოებულობაზე.

## პოლიტიკური თოქ-შოუ

20:00 სექტემბერს ეთერში გავიდა გადაცემა „დიალოგი დავით ჰაიჭაძესთან“ რომლის სტუმრები იყვნენ გიორგი ტულუში<sup>1</sup>, ხოლო მეორე ბლოკში სამოქალაქო საზოგადოების წარმომადგენლები ეკა გიგაური (საერთაშორისო გამჭვირვალობა საქართველო) და თამარ ჩუგოშვილი (საქართველოს ახალგაზრდა იურისტთა ასოციაცია). აღსანიშნავია, რომ პირველ ბლოკში ადგილი ქონდა საკუთარი პოზიციის ბოროტად გამოყენებას. წამყვანმა, კითხვის დასმის ნაცვლად საკითხთან დაკავშირებით ღიად გამოხატა პოზიცია და არ მოერიდა პრობლემის არსის თეორიის ჩამოყალიბებას, რომელიც იყო ძალიან ვრცელი და ასე უღერდა:

„... აქ შემოდის ერთგვარი სიახლე, ან სავარაუდო სიახლე, მას შემდეგ რაც ცხადდება ნულოვანი ტოლერანტობა კრიმინალთან, რა თქმა უნდა ნულოვანი ტოლერანტობა ნიშნავს დანაშაულთან არატოლერანტულ დამოკიდებულებას. მაგრამ როცა ვლაპარაკობ კონცეპტზე, ვგულისხმობ ასეთ დაშვებას, მე არ ვამტკიცებ მე ვვარაუდობ რომ შეიძლება ყოფილიყო ამგვარი მიდგომა, რომ კრიმინალს, პროფესიულ კრიმინალს, ადამიანებს ვინც მიეკუთვნებიან ან თავს აკუთვნებენ კრიმინალურ სამყაროს, კრიმინალურ ავტორიტეტთა რიგს, რომ მათი გაუვნებელყოფა არ გამოვა (ეს არ არის ჩემი მოსაზრება მე ვუშვებ ამგვარ მიდგომის არსებობას) რომ ამასთან ბრძოლა არ გამოვა, თუ ის მორალურად არ გადაამტკრივ ხერხემალში, და წამება და რაც ვიხილეთ ჩვენ ეკრანებზე და რაც არ გვინახავს და არ ვიცით კიდევ ვიხილავთ თუ არა, ეს არის ამის განუყრელი კომპონენტი. ამის გარეშე ვერ მართავ სისტემას და ვერ გააუვნებელყოფ იმ ადამიანში რაღაცა კრიმინალურ ვნებებს. ის რომ ციხიდან გამოვა რომ არ დაუბრუნდეს თავის საქმიანობას ის უნდა გააფუჭო. აი ეს არის მიდგომა, რომელიც ვვარაუდობ რომ შეიძლება ყოფილიყო მოტივი ამგვარ ქმედებათა განსახორციელებლად...“

მაგრამ რა არის ამის საპირისპირო კონცეპტი?

პასუხად სტუმარიც უდასტურებს, რომ სიტყვა „ქურდი“ ყველა კადრში ფიგურირებდა, რასაც წამყვანიც ეთანხმება. საკითხის ამგვარი ახსნით წამყვანი ცდილობს საკითხი წარმოჩინოს ისე, რომ წამება, იყო მეთოდი, რომელიც გამოიყენებოდა მხოლოდ „ქურდულ სამყაროსთან“ ბრძოლისთვის. სწორედ ამ თეორიის განვითარების პარალელურად სხვა მუხნყებლის ეთერში გადიოდა კადრები, სადაც ნაჩვენები იყო ფსიქიური პრობლემების მქონე პატიმრებისადმი არასათანადო და დამამცირებელი მოპყრობა და ძალადობა. ზემოთ უკვე აღვნიშნეთ, რომ ეს კადრები 20 სექტემბერს საზოგადოებრივი მუხნყებლის ეთერში არ გასულა.

## 2.2 ტელეკომპანია „იმედი“

1 სასჯელაღსრულების მინისტრის რანგში.

ტელეკომპანიის მიერ სასჯელაღსრულებით დაწესებულებაში მომხდარი ფაქტების გაშუქება ხდებოდა დაუბალანსებლად და მიკერძოებულად. არხი არ იცავდა უდანაშაულობის პრეზუმფციას. მაგალითად 18 სექტემბრის საინფორმაციო გამოშვებაში „ქრონიკა“ ჟურნალისტი ტექსტის ასე უღერდა:

„... რამდენიმე პირი წინასწარ შემუშავებული დანაშაულებრივი გეგმის შესაბამისად პატიმრებს არაადამიანურად ექცეოდნენ, რასაც ისინი ვიდეოფორზე იღებდნენ. პატიმრების ცემის და ამის გადაღების მიზეზი კი დამკვეთი იყო. დამკვეთი კი საპრეზობილეში მყოფი თამაზ თამაზაშვილია.“

„რაში სჭირდებოდა თამაზ თამაზაშვილს პატიმრების ცემის ამსახველი ვიდეომასალა და რატომ იხდიდა ამაში სოლიდურ თანხას? თამაზ თამაზაშვილი დედოფლისწყაროს პოლიციის ყოფილი უფროსია, ის სასჯელს იარაღისა და ასაფეთქებელი ნივთიერებების შენახვისთვის იხდის. მის სახელს უკავშირებენ პანკისის ხეობაში გატაცებებს და ნარკობიზნესს. თამაზ თამაზაშვილს ბიძინა ივანიშვილთან მჭიდრო ურთიერთობა აქვს. თამაზაშვილზე ბიძინა ივანიშვილმა განაცხადა, რომ მას სოლიდურ თანამდებობას მისცემს. კულუარებში იმასაც კი ამბობენ, რომ ივანიშვილი თამაზაშვილს შანგან საქმეთა მინისტრის თანამდებობას დაპირდა“. ბოლო კომენტარში ჟურნალისტი არ პასუხებს მის მიერვე დასმულ შეკითხვას და სრულიად დაუსაბუთებლად აკავშირებს მომხდარ მოვლენებს კოალიცია „ქართულ ოცნებასთან.“

19-20 სექტემბერს აღნიშნული მოვლენების კვლავ მთავარი წამყვანი თემა იყო. მიკერძოებული მასალები ვცრელდებოდა სტუდენტთა საპროტესტო აქციებისა და პატიმართა ოჯახის წევრების კომენტარების გაშუქებისას. კერძოდ, საპროტესტო აქციების გაშუქებისას ჟურნალისტები ცდილობდნენ ეჩვენებინათ ამ აქციების კავშირი კოალიცია „ქართულ ოცნებასთან“ ანუ წარმოეჩინათ ეს პროცესები ოპოზიციური ძალის მართულ პროცესად, ხოლო პატიმართა ახლობლების ინტერვიუებში მხოლოდ ის რესპონდენტები იყვნენ ნაჩვენები, რომლებიც ადასტურებდნენ რომ მათი პატიმრები იყვნენ კარგად. თუმცა, სხვა საინფორმაციო საშუალებების მიერ ვრცელდებოდა ინფორმაცია, რომ ოჯახის წევრებს არ ეძლეოდათ პატიმრების ნახვის შესაძლებლობა.

### 2.3 ტელეკომპანია „რუსთავი 2“

მიმდინარე მოვლენები არხის მიერ გაშუქდა დაუბალანსებლად და მიკერძოებულად. 18 სექტემბრის საინფორმაციო გამოშვებაში „კურიერი“ წამყვანებმა შინაგან საქმეთა სამინისტროს მიერ გავრცელებული ინფორმაცია საზოგადოებას მიანოდეს როგორც ფაქტი და არ იყო მითითებული, რომ ინფორმაციის წყარო იყო შინაგან საქმეთა სამინისტრო. წამყვანების ტექსტი:

„შეკვეთილი ანგარიშსწორება სასჯელაღსრულების დაწესებულებაში და ციხეში მყოფი გენერალი ვისი დავალებითაც პატიმრებს სასტიკად უსწორდებოდნენ. შემკვეთი გენერალი თამაზ თამაზაშვილია, რომელიც დღეისათვის სასჯელს იარაღის უკანონო შეძენა - შენახვის ბრალდებით იხდის შემსრულებლები კი გლდანის მერვე საპრეზობილის თანამშრომლები არიან.“

შეკვეთა რომ შესრულებული ყოფილიყო ამისთვის სადამსჯელო რაზმი ცემის ვიდეო გადაღებასაც აწარმოებდა, რომელიც შემდეგ თამაზაშვილს უნდა ენახა. ეს სასტიკი სცენა საათნახევარი გრძელდება. თუმცა, პატიმრების წამების სრულად ჩვენება მიზანშეწონილი ნამდვილად არ არის. სკანდალური გენერლის წინააღმდეგ კი რომლის სახელიც არაერთ კრიმინალურ საქმეს უკავშირდება, ახალი მოკვლევა დაიწყო“.

სიუჟეტში ხაზგასმულია, რომ თამაზაშვილის შვილი „ქართული ოცნების“ მაჟორიტარობის კანდიდატია, ბიძინა ივანიშვილი კი თამაზ თამაზაშვილს, რომელიც ციხეშია მალალ თანამდებობას პირდება. მთელი სიუჟეტი შსს-ს მიერ გავრცელებულ კადრებსა და ჩვენებებს ეყრდნობა, თუმცა კადრს ამგვარი მინანური არ ადევს. ფორმალური ბალანსის დაცვის მიზნით, სიუჟეტში მოცემულია „ქართული ოცნების“ პრეს სპიკერის მათა ფანჯიკიძის კომენტარი, რომელშიც ის ამბობს, რომ თამაზ თამაზაშვილი არის პოლიტიკური პატიმარი. სიუჟეტის დარულების ბოლოს, გაშვებულ იქნა ტელეკომპანია „მეტროს“ მიერ გავრცელებული ვიდეო მასალაც. თუმცა, სიუჟეტის პირველ ნაწილში ინფორმაციის მონოდების ფორმა და შინაარსი ცალსახად მეტყველებს იმაზე, რომ მიმდინარე მოვლენები მიკერძოებულად გაშუქდა.

საინფორმაციო გამოშვების ბოლო ნაწილში პირდაპირ ეთერში ჩაერთო მინისტრი კალმახელიძე, რომელსაც კრიტიკული შეკითხვები დაესვა ჟურნალისტების მხრიდან. რესპონდენტი საუბრობდა იმაზე, რომ აღნიშნული ხდებოდა პატიმრის დავალებით, თუმცა ამ კუთხით ჟურნალისტებს კრიტიკული შეკითხვები არ დაუსვამთ.

მომდევნო დღეების საინფორმაციო გამოშვებებში არ ჰქონია ადგილი ჟურნალისტური ეთიკის უხემ დარღვევებს. თუმცა, აშკარად შეინიშნებოდა მიკერძოებულობა მთავრობის მიმართ, რაც გამოიხატება იმაში, რომ მთლიანი პროგრამა ეთმობოდა იმას თუ როგორ ეფექტურად დაიწყო მთავრობამ პრობლემასთან ბრძოლა. მაგალითად, 19 სექტემბრის პირველი სიუჟეტი ეხებოდა გლდანის საპატიმროში ბადრაგის პატრულის თანამშრომლებით ჩანაცვლებას და იმას, რომ პატიმრების მშობლებს მთელი ღამის განმავლობაში ეძლეოდათ საშუალება, რომ შესულიყვნენ ციხეში და მოენახულათ თავიანთი ახლობელი პატიმრები, ნიშანდობლივია, რომ ნაჩვენები იყო მხოლოდ მადლიერი ახლობლების კომენტარები. შემდეგ ეს რეპორტაჟი გრძელდება იმით, თუ როგორ შეხვდა ვანო მერაბიშვილი პატრულის თანამშრომლებს და როგორ აძლევს მათ ახალ დავალებებს. ვანო სიტყვით მიმართავდა პატრულის თანამშრომლებს. შემდეგ ვანო მერაბიშვილი ხვდება სახალხო დამცველის აპარატის თანამშრომლებს და უხსნის თუ როგორ დაამყარებს წესრიგს ციხეში. პირველი (საკმაოდ ვრცელი) რეპორტაჟი ეხება მხოლოდ იმ თემას, თუ როგორ ეფექტურად მოქმედებს მთავრობა პრობლემის მოსაგვარებლად. ვანო მერაბიშვილი უდავოდ დადებით კონტექსტშია წარმოდგენილი. რეპორტაჟში არის შოთა უტიაშვილის კომენტარიც, რომელიც ამბობს რომ საპატიმროებში ახლა წესრიგია. მეორე, ასევე, ვრცელი რეპორტაჟი მიეძღვნა პრეზიდენტის შეხვედრას მერაბიშვილთან, ადგიშვილთან, მთავარ პროკურორთან და შსს მინისტრის მოადგილესთან. ეს რეპორტაჟი ასახავს პრეზიდენტის საუბარს მინისტრებთან.

აღსანიშნავია, რომ ყველა სიუჟეტში, რომელშიც მთავრობის წევრების კომენტარები იყო წარმოდგენილი, ავლენდა არხის პოზიტიურ დამოკიდებულებას ხელისუფლების მიმართ.

#### 2.4. ტელეკომპანია „რეალ ტვ“

ტელეკომპანია მიმდინარე მოვლენებს აშუქებდა დაუბალანსებლად და მიკერძოებულად. განსაკუთრებით აღსანიშნავია, „ქართული ოცნების“ უარყოფით ტონში მოხსენიება. 18 სექტემბრის 22:00 საათიან საინფორმაციო გამოშვებაში გავიდა სიუჟეტი სახელწოდებით „გაშიფრულები“. სიუჟეტის ანონსი: „ოცნების პიარშეკების სქემა - ლინკოლნ მიტჩელი ივანიშვილის პიარშია ჩართული.

რამი ხარჯავს მილიონებს ბიძინა ივანიშვილი და რამდენს უხდის ლობისტურ კომპანიებს“. სიუჟეტი თითქმის 10 წუთი გაგრძელდა.

მეორე სიუჟეტი მიეძღვნა სასჯელალსრულების დანესებულებაში მომხდარ ფაქტებს. ჟურნალისტის კომენტარი: „ცემის დამკვეთი კი ქართული ოცნების წევრი, და შევარდნაძის მთავრობის დროინდელი კახეთის პოლიციის ყოფილი უფროსია. ამ დროისთვის უკვე გარკვეულია, რომ აღნიშნული ვიდეო მასალა ქართულ ოცნებას ჭირდებოდა. უკვე ცნობილია, რომ წამების ამსახველი კადრები ოლიგარქის მიმდევრებს უცხოეთში საქართველოს წინააღმდეგ უნდა გამოეყენებინა და უცხოური ტელევიზიებისთვის უნდა მიეწოდებინა.“

სუბიექტური შეფასება მიეცა ტელეკომპანია „მესტროს“ მიერ გავრცელებული კადრების ჩვენებასაც: „დამატებითი კადრების გავრცელება ტოვებს შთაბეჭდილებას, რომ ეს კადრები წინასწარ იყო გადაღებული და ეხლა ამის გამოყენების საჭიროება ნაადრევად გახდა. სავარაუდოდ სცენარი რომლის განხორციელებაშიც ივანიშვილის ფაფორიტმა თამაზ თამაზაშვილმა სოლიდური თანხა გადაიხადა მიზნად საერთაშორისო სკანდალის აგორებას ისახავდა“.

19-20 სექტემბერს არხის მიერ ძირითადი აქცენტი კეთდებოდა ხელისუფლების რეაგირებაზე მომხდარ მოვლენებთან დაკავშირებით, ხოლო საპტორესტო აქციებს ძალზე ცოტა დრო დაეთმო, თან ისეთი ფორმით, რომ არ ასახავდა რეალურ სურათს. არხზე ნაჩვენები იყვნენ პატიმართა ის ახლობლები, რომლებიც მხოლოდ მადლიერებას გამოხატავდნენ პატიმრებთან შეხვედრის გამო.

## 2.5. ტელეკომპანია „კავკასია“

### საინფორმაციო გამოშვებები

საინფორმაციო გამოშვებებში დასულია ბალანსი და არ ვლინდება არხის მიკერძოებულობა. თუმცა, არხმა არ გაამახვილა ყურადღება პატიმრების გაუპატიურების ამსახველ მასალაზე, თუმცა, აღნიშნული არ შეიძლება საინფორმაციო გამოშვებების ნაკლოვანებად შეფასდეს, რადგან სხვა მასალა იყო დაბალანსებული და მიუკერძოებელი, ასევე, სრულყოფილად იყო წარმოჩენილი პრობლემების არსი.

19-20 სექტემბრის საინფორმაციო გამოშვებებში ასახული იყო მიმდინარე მოვლენები. მაგალითად 19 სექტემბრის საინფორმაციო გამოშვებაში ქრონოლოგიურად ნაჩვენები იყო სტუდენტების საპროტესტო აქციები, არასამთავრობო ორგანიზაციების მოთხოვნები, საპატრიარქოს განცხადება, დავით ბაქრაძისა და ბიძინა ივანიშვილის განცხადებები გავრცელებულ კადრებთან დაკავშირებით. 1 სიუჟეტში წარმოჩენილ საპროტესტო პოზიციას აუცილებლად მოსდევდა პროკურატურის ან ხელისუფლების სხვა უწყების პოზიციის გაშუქებაც.

### პოლიტიკური თოქ-შოუები

მიკერძოებული და დაუბალანსებელია არხზე არსებული პოლიტიკური თოქ-შოუები, განსაკუთრებით მათი წამყვანები დავით აქუბარდია და ალექსო ელისაშვილი. 19 სექტემბრის გადაცემა „სპექტში“ მოწვეული იყვნენ დაჩი ჩაგურია, გუგული მალრაძე, ბიძინა სავანელი. წამყვანი არ მალავდა და ვრცლად წარმოაჩინდა საკუთარ პოზიციას, იყენებდა არაერთიკურ ტერმინოლოგიას: „გეგეჭკორის

ხროვა“<sup>2</sup>, პროკურატურის მიმართ გაკეთებული კომენტარი ასე უღერდა: „ოფიციალურად წერილი გადაგზავნეთ პროკურატურაში და მოვითხოვეთ სისხლის სამართლის საქმის მოკვლევა ყოფილიყო ამ საკითხზე, პროკურატურა ქალიშვილივით გადაეფარა შინაგან საქმეთა სამინისტროს.“

გადაცემა „ცხელი ხაზისა“ და „ბარიერის“ წამყვანი ალექო ელისაშვილიც გამოირჩევა მიკერძოებული პოზიციით, შეიძლება ითქვას, რომ ის ერთგვარი მხარის სახით წარმოგვიდგება გადაცემის მსვლელობისას. მაგალითად, 18 სექტემბრის გადაცემა „ბარიერი“, წამყვანმა დაიწყო საკუთარი სუბიექტური პოზიციის ჩამოყალიბებით და საბოლოოდ გადაცემა დასრულდა იმით, რომ ის მის მიერვე მონვეულ, განსხვავებული პოზიციის სტუმარს, თეა თუთბერიძეს, დაბეჭითებით თხოვდა დაეტოვებინა გადაცემა.

19 და 20 სექტემბერს, გადაცემის „ცხელი ხაზი“, ალექო ელისაშვილთან ერთად თანაწამყვანები იყვნენ ნათია ორველაშვილი და ზვიად ქორიძე. ჟურნალისტი (ალექო ელისაშვილი) ორივე გადაცემაში გამოირჩეოდა მიკერძოებული და ემოციური კომენტარებით, თუმცა განსაკუთრებულად უნდა აღინიშნოს, 20 სექტემბრის გადაცემაში გაკეთებული დაუსაბუთებელი და აგრესიული კომენტარი. კერძოდ, „2 არაკაცი, სადისტი, მოდით პირდაპირ ვილაპარაკოთ 1 გირგვლიანის მკვლელობაში იყო გარეული, მეორე ჩამოყალიბებული პათოლოგი, რომელსაც ცოდვა მადლი წამოენია, ამათი გამზრდელი მამა, რომელმაც ეხლა ჟურნალისტები ცემა სულ ცოტა ხნის წინ პატრიაქმა ჩვენმა საყვარელმა პატრიაქმა ორდენით დააჭილდოვა.“

## 2.6. ტელეკომპანია „მეცხრე არხი“

### საინფორმაციო გამოშვებები

არხის მიერ მიმდინარე მოვლენების გაშუქებისას გამოიკვეთა მიკერძოებულობის შემთხვევები. 18 სექტემბერს საინფორმაციო გამოშვებებში გავრცელდა პატიმართა წამების ამსახველი კადრები, რომელსაც შემდეგ მოყვა საზოგადოების მღელვარება. მაუწყებელმა გაავრცელა ვიდეომასალის ავტორ ვლადიმერ ბედუკაძესთან სკაიპით ჩანერილი ინტერვიუც, მნიშვნელოვანია, რომ ჟურნალისტს რესპონდენტისთვის არ დაუსვამს კრიტიკული შეკითხვები, მაგალითად არ უკითხავს 16 წლიანი მუშაობის შემდეგ სწორედ ახლა რატომ გადაწყვიტა კადრების გასაჯაროება.

19 სექტემბრის საინფორმაციო გამოშვება მოდულის შენობასთან მიმდინარე აქციით დაიწყო. ჟურნალისტმა აქციას „ცოცხების აქცია“ უწოდა. შემდეგ აქცენტი იმაზე გააკეთა, რომ შენობასთან სპეცრაზმის მობილიზება ხდებოდა, ჩართვისას ჟურნალისტმა იგივე გაიმეორა, კადრში კი ჩანდა რომ რამდენიმე სამხედრო ფორმიანი ადამიანი იდგა შენობასთან, რამდენიმე სპეცრაზმელი კი შენობაში შერბოდა. დარჩა შთაბეჭდილება, რომ ტელეკომპანია ხელოვნურად ცდილობდა სიტუაციის გამწვავებას. თუმცა, ამგვარი ტონი და მიკერძოებული შეფასებები წამყვან ნათია ლაზაშვილის ტექსტებში წინა პერიოდისგან განსხვავებით აღარ შეინიშნებოდა.

მიკერძოებული კომენტარი გამოვლინდა 20 სექტემბრის საინფორმაციო გამოშვებაში. კერძოდ, სიუჟეტში, რომელიც ეძღვნებოდა გლდანის ციხესთან მიმდინარე აქციას, ჟურნალისტმა შესავალში

2 იგულისხმება პატრულის თანამშრომლები.

დასვა შეკითხვა: „რატომ ძაბავს ხელისუფლება სიტუაციას ხელოვნურად?“ თუმცა, ეს კითხვა უპასუხოდ დარჩა მთელი სიუჟეტის განმავლობაში, ვინაიდან ხელისუფლების კომენტარი არ ისმოდა.

### **პოლიტიკური თოქ-შოუები**

არხის დაუბალენსებლობა და მიკერძოებული დამოკიდებულება გამოვლინდა თოქ-შოუების „მთავარი კითხვა“ და „მატრიცა“ მონიტორინგის შედეგად. მაგალითად, 19 სექტემბრის გადაცემა „მთავარი კითხვაში“ ჟურნალისტმა აღნიშნა, რომ რედაქციას სურდა პასუხისმგებელი პირების ეთერში მონვევა მაგრამ პრეზიდენტის, პრემიერ მინისტრისა და პარლამენტის თავმჯდომარის პრესსამსახურებთან დაკავშირება ვერ შეძლეს და მათ პირდაპირ ეთერში სთხოვეს სტუდიაში მისვლა. თუმცა, მიუხედავად ამ ობიექტური გარემოებისა, სტუდიაში მაინც მხოლოდ ერთი პოლიტიკური ძალის „ქართული ოცნების“ წარმომადგენლები იყვნენ მონვეული. 19 სექტემბრის გადაცემაში, სხვა პოლიტიკურ პარტიას არ მიეცა შესაძლებლობა გამოეხატა საკუთარი პოზიცია ქვეყნაში მიმდინარე უმნიშვნელოვანეს პროცესებზე.

გადაცემა „მატრიცას“ წამყვანი არ მორიდებია საკუთარი მიკერძოებული პოზიციის წარმოჩენას. უფრო მეტიც მისი კომენტარები და მონოღებული მოსაზრებები სცდება ყოველგვარ სამართლებრივ ფარგლებს. მაგალითად, 19 სექტემბრის გადაცემაში მან ასეთი მოსაზრება გააჟღერა: „პრინციპში ეხლა მივიღეთ რაღაც ცაიტნოტური სიტუაცია, როდესაც ყველა ვინც ზის, უნდა გამოუშვან უბრალოდ. იმიტომ რომ მათ გადაიტანეს ის, რაც არ ეკუთვნით უბრალოდ. მემგონი ყველა უნდა გავათავისუფლოთ.“

### **2.7. ტელეკომპანია „მაესტრო“**

#### **საინფორმაციო გამოშვებები**

ტელეკომპანიის საინფორმაციო გამოშვებები დაბალანსებული და მიუკერძოებელია, არხი გადმოსცემდა ყველა მნიშვნელოვან ფაქტს მიმდინარე მოვლენების თაობაზე. საინფორმაციო გამოშვებებში შეიმჩნეოდა ფაქტების სიღრმისეული მოკვლევის მცდელობები. მაგალითად, 19 სექტემბერს, საინფორმაციო გამოშვებაში ყურადღება მიექცა იმ ფაქტს, თუ რატომ იმყოფებოდა წამების დღეს საპრობილემო ლაგადოხის პოლიციის უფროსი. მიუხედავად, არაერთი მცდელობისა ისინი მას ვერ დაუკავშირდნენ.

### **პოლიტიკური თოქ-შოუები**

პოლიტიკური თოქ-შოუების შეფასებისას განსაკუთრებული ყურადღება უნდა გამახვილდეს პირადი ცხოვრების ხელშეუხებლობის უფლების დარღვევაზე. 18 სექტემბრის გადაცემაში „პოლიტმეტრი“ პატიმრის მაიდენტიფიცირებელი ფორმით აჩვენეს კადრები, რომელშიც ჩანდა სასტიკი მოპყრობის შემდეგ, როგორ დაანერინეს პატიმარს ხელწერილი თანამშრომლობის თაობაზე.

საინფორმაციო გამოშვებებისაგან განსხვავებით დაუბალანსებლობისა და მიკერძოებულობის პრობლემა გამოვლინდა გადაცემაში „სუბიექტური აზრი“. კერძოდ, მისმა წამყვანმა 19 სექტემბრის ეთერში გააკეთა ასეთი კომენტარი: ; „ეს არსებული ვაცი, რომ ვაცობს და ივინება, რაღაც ვაცობს, ვნახე ვინ არის უკრაინაში აკეთებს ვაშლის სანყობს“. ეს შეფასება მოყვა ვანო მერაბიშვილის და



მიხეილ სააკაშვილის ფარული ჩანაწერების ეთერში გაშვებას და ეხებოდა კონკრეტულად პრემიერ მინისტრს ვანო მერაბიშვილს.

გადაცემებში „არგუმენტები“ და „პოლიტმეტრი“ დაცული იყო წარმომადგენლობითობა და ბალანსი. თუმცა, აღსანიშნავია 20 სექტემბრის გადაცემაში „პოლიტმეტრი“ წამყვანის აგრესიული დამოკიდებულება მის რესპონდენტთან, გოგა ხაჩიძესთან. კერძოდ, ხაჩიძის განცხადებაზე “უნდა ვიფიქროთ, რომ ეს უბედურება დავამარცხოთ..... საზოგადოებასთან ერთად“. წამყვანის რეაქცია ამგვარი იყო „თქვენ უნდა იფიქროთ? საზოგადოებასთან ერთად, ადამიანებმა რომლებმაც თქვით, რომ ეს იყო სისტემური მარცხია, რომ თქვენ შეგეშალათ ასე მაშტაბურად, ფიქრობთ, რომ მორალური უფლებები არსებობს თქვენი მხრიდან, რომ საზოგადოებამ მოგცეთ დრო თუნდაც 4 წელი საიმისოდ, რომ ამას გამოასწორობთ“.